

PROTOKOLL 61. GENERALVERSAMMLUNG

Datum / Zeit Mittwoch, 11. Juni 2025, 18:30 Uhr
Ort Theaterzelt Walter Zoo, Gossau

Vorsitz: Aurelio Zaccari, Präsident
Protokoll: Céline Hofer, Aktuarin

1. Begrüssung und Präsenz

Der Präsident Aurelio Zaccari begrüsst die Anwesenden und gibt den Ablauf der GV bekannt. Die Traktanden wurden mit der Einladung verschickt. Die Traktanden 10 und 11 wurden aus organisatorischen Gründen getauscht. Dagegen wird kein Einspruch erhoben.

2. Wahl der Stimmenzählerinnen

Als Stimmenzählerinnen werden Iris Altherr und Annelies Barraz vorgeschlagen. Die beiden Stimmenzählerinnen werden einstimmig gewählt. Es sind 161 stimmberechtigte Mitglieder anwesend. Das absolute Mehr liegt bei 81 Stimmen.

3. Protokoll der 60. Generalversammlung vom 12. Juni 2024

Das Protokoll der GV vom 12. Juni 2024 stand auf der Website zur Einsicht zur Verfügung. Auf das Vorlesen wird verzichtet. Die Diskussion über das Protokoll wird nicht gewünscht. Das Protokoll der 60. Generalversammlung vom 12. Juni 2024 wird einstimmig genehmigt.

4. Jahresbericht des Präsidenten

Der Jahresbericht des Präsidenten wird durch diesen vorgetragen und liegt diesem Protokoll als Anhang bei. Der Jahresbericht 2024 wird durch die Versammlung einstimmig genehmigt.

5. Jahresrechnung 2024

Der Kassier Thomas Lehmann hat die Jahresrechnung 2024 abgeschlossen und präsentiert diese den Mitgliedern. Die Diskussion über die Jahresrechnung 2024 wird nicht gewünscht, ein Mitglied erkundigt sich aber nach der aktuellen Mitgliederzahl. Der Präsident teilt mit, dass aktuell ca. 1965 Mitglieder vorhanden sind.

6. Bericht und Anträge der Revisoren / Entlastung des Vorstandes

Der Bericht und die Anträge der Revisoren wurden von Josef Schildknecht und Heinz Loretini vorbereitet. Josef Schildknecht liest die Prüfungsanträge der Revisoren vor. Sie haben die Jahresrechnung 2024 geprüft und stellen den Antrag, diese zu genehmigen und dem Vorstand Entlastung zu erteilen. Den Anträgen der Revisoren wird zugestimmt, die Jahresrechnung 2024 damit genehmigt und dem Vorstand Entlastung erteilt.

7. Budget 2025

Das Budget 2025 wird vom Kassier vorgestellt und im Detail erläutert. Ein Mitglied erkundigt sich nach dem Zweck des Sockelbeitrags. Der Kassier und der Präsident erläutern, dass es sich dabei um einen nicht an ein bestimmtes Projekt gebundenen Beitrag handelt, der z.B. der Deckung der Marketingkosten (die von der Walter Zoo AG erbracht und entsprechend nicht externen Dienstleistern in Auftrag gegeben werden müssen) sowie für die gesamte Buchhaltung und Administration dient. Ansonsten wird keine Diskussion über das Budget gewünscht. Das Budget 2025 wird durch die Mitglieder einstimmig genehmigt.

8. Festsetzung der Mitgliederbeiträge 2025

Es wird beantragt, die Mitgliederbeiträge in gleicher Höhe zu belassen. Dem Antrag wird ohne Gegenstimmen zugestimmt.

9. Wahlen

Zur Wahl stehen David Ruess (als Ersatz für den zurücktretenden Kassier Thomas Lehmann) sowie – als zusätzliches Mitglied – Florian Hafner (als Vertreter der Partnergemeinden). David Ruess ist Leiter der Gossauer Niederlassung der SGKB. Florian Hafner ist Gemeindepräsident von Muolen. Die Kandidaten werden von Präsidenten einzeln zur Wahl gestellt. David Ruess und Florian Hafner werden je einstimmig in den Vorstand gewählt. Herzliche Gratulation!

10. Allgemeine Umfrage

Der Präsident verdankt die professionelle Arbeit von Thomas Lehmann in den letzten Jahren für den Gönnerverein und wünscht ihm für die Zukunft nur das Allerbeste. Als Dankeschön für seine Tätigkeit wird ihm ein Präsent überreicht.

Der Mitgliederabend 2025 findet am Samstag, 6. September 2025, statt. Weitere Anlässe und Informationen werden jeweils auch auf der Website aufgeschaltet.

Der Präsident animiert die Mitglieder, ebenfalls nach neuen Mitgliedern Ausschau zu halten und Werbung für den Gönnerverein zu machen. Er zeigt sich zuversichtlich, dass das 2000. Mitglied allenfalls bereits am Mitgliederabend begrüsst werden kann.

Es gibt keine weiteren Wortmeldungen. Der Präsident bedankt sich bei allen Anwesenden, schliesst den offiziellen Teil der GV und übergibt das Wort an Dr. Karin Federer, Vorsitzende der Geschäftsleitung der Walter Zoo AG, die den Mitgliedern einen Rück- und Ausblick in den Zooalltag der Walter Zoo AG gibt.

Im Anschluss an die GV wird bei der Löwenanlage Wurst und Brot sowie Getränke ausgegeben. Die Verpflegung wird durch die Walterzoo AG offeriert, was entsprechend gewürdigt und verdankt wird.

Ende der 61. Generalversammlung: 19:15 Uhr

Gossau, 11. Juni 2025

Aurelio Zaccari, Präsident

Céline Hofer, Aktuarin

Anhang: Jahresbericht 2024 des Präsidenten

Jahresbericht 2024 des Präsidenten

z.Hd. der GV Gönnerverein Walter Zoo vom 11. Juni 2025

Gschätzte Mitglieder, Gönner und Zoofründe

Au wenn de Vorstand a verschiedene Aläss zäme mit em Walterzoo präsent gsii isch, händ mirs leider au im Vereinsjohr 2024 nöd gschafft s2000igste Mitglied chöne zbegrüesse. Dur dAbgäng wo mir mit de Neumitglieder sozäge kompensiert händ müese, isches üs leider nöd glunge uf die Mitgliederzahl 2000 zcho, auch wenn mir zwünschet inä sehr nöch dra gsii sind. Es brucht also nochli meh Ziit und Unterstützig vo üs allne.

De Vorstand hät auf im 2024 verschiedene Aläss iplanet und im Zooareal Vorort – Präsenz markiert. Zäme mit em Marketing-Team vom Walterzoo sind mir a de G24 in Gossau präsent gsii und au a de OLMA händ mir sWalterzoo-Team am Stand dörfe als Gönnvererein verstärche. Au im vergangene Vereinsjohr händ mir wieder üsi Postcharte vorbereitet, wo me Fründe, Bekannte usw. chan zuestelle und für e Mitgliedschaft werbe. Au am hüttige Obig sind sottige Charte do usse und dune bi de Zooschuel ufliegend, s das me die chan versende und für Mitglieder werbe. Sie dörfed denn die usgfüllte Charte dobe bim Igang a de Kasse deponiere. Mir tüents denn für Sie frankiere und versende.

Sie gschätze Mitglieder chönd üs natürli au bestens unterstütze. Sit afangs 2024 setzed mir intensiv uf e gmeinsami Präsentz.

Im Johr 2024 hät de Gönnerverein in Abstimmig mit de Walterzoo AG wiederum e finanzielli Projektunterstützig vom Arteschutzhuus im Rahme vo 200'000 Franke zuegsicheret. Dä Biitrag für das Lüchtturmprojekt isch zwüscheziitlich uf insgesamt 610'000 Franke agstiege. Wie sie wüssed ist das Projekt es bsonders bedütends Lüchtturmprojekt wo über Landesgrenze usstrahlig hät. Dodezue chan dänn üse Zoodirektorin meh säge.

Für's Johr 2025 händ mir, Ihri Zuestimmig zum Budget 2025 vorusgsetzt, wieder en Biitrag von 100'000 Franke fürs Arteschutzhuus und 100'000 für die erste Planigsschritt für sneue Zoorestaurant zuegseit.

De Vorstand vom Gönnerverein hät sich im Johr 2024 zu insgesamt vier Sitzige troffe und diversi Traktande behandlet. Oft händ mir üs mit de Thematik "Mitgliedergewünnig" usenandgsetzt. Mir händ Verastaltige und üsi Resource planet oder verplanet und so dem Thema de nötig Ruum gäh. Mit debii isch immer e Vertrettig vom Verwaltigsrot, vo de Gschäftsleitig und vo de Abteilung Marketing und Verkauf vo de Walterzoo AG gsii. So chönd mir dVorbereitigi zu de Aläss, dJahresziel und die generelle dArbete sehr guet ufenand abstimme. Sie kenned alli dStrategie vom Verwaltigsrot und de Gschäftsleitig vo de Walter Zoo AG. Die Strategie 2040 vom Walterzoo tüend mir aktiv unterstütze und in dem Sinn au dProjekt wo mit dere Strategie zämehanged. Aktuell liiht de Fokus bim Lüchtturmprojekt und de Infrastrukturelle Entwicklung wie em Zoorestaurant und de dezueghörende Infrastrukturbaute.

Im Herbscht 2024 händ mir sie dörfe zum **Mitgliederalass** in Walterzoo iilade. A dem Alass händ Sie sich chöne über die neuschste Entwicklige im Walterzoo informiere und die neu entstandene Projekt beguetachte. Es isch wunderschön gsii - zgseh, wieviel Mitglieder, de Alass bsuecht hend und sich es Bild gmacht händ vo de **Neuerige im Walter Zoo**.

Mit em Masterplan 2040 sind noch eingie Useforderige verbunde und mir sind alli stolz, dass mir mit em Gönnerverein dörfed en wichtige Biitrag a die kommendi Entwicklung vom Walterzoo Gossau leiste. Damit mir no schlagchräftiger werdet, schlönd mir ihne hüt au e Verstärchig vom Vorstand vor. Unterem Traktandum Wahle werdet mir als Ersatz für de ustretendi Thomas Lehmann de David Ruess vorschloh. Und zur Verstärchig und erwiiterig vom Vorstand – und glichziitig als Gmeindevertreter – de Gmeindspräsident vo Muole, dä Florian Hafner. Bis Endi 2024 händ mir mini Wenigkeit als Gmeindevertreter im Vorstand gha.

Da ich sit em 1.1.25 nümä Gmeindspräsident vo Waldkirch bin, isch dGemeindsvertretig weggfalle. Denno isch die wichtig, wel dGmeinde rund um Gossau en nöd unwesentliche Biitrag an Gönnerverein biistüred. Meh dezu aber unter Traktandum Wahle.

Ich chume zum Schluss und zum Danke säge.

Dank vilne Spende, enere grosse Azahl vo bestehende und neue Mitglieder und grossem Engagement vo freiwillige Helferinne und Helfer sowie enere unglaubliche Solidarität vo Ihne, liebe Mitglieder, Gönnerinne und Gönner, aber auch ganz vielne Mensche wo hinter em Walterzoo und de viele Tier wo do lebed stönd, isches au im vergangene Johr glunge es guets Polster bim Gönnerverein für die wichtige Projekt und Entwickligä bereits zstelle. Grossi Projekt verschlinged au grossi

Mir sind stolz, dass mir als Verein sone grosse Unterstützig für die neue Projekte im Walterzoo chöne leischte. Ich sege das jedes Johr und jedes Jahr mit voller überzüügig und Herzbluet für das wo do obe entstande ist und no entstoh wird.

Gschätzti Mitglieder, Gönnerinnen und Gönner; De Vorstand isch tatchräftig am Wirke und dZämearbeit mit em Team vom Marketing und Verkauf vo de Walterzoo AG isch biispielhaft. So chönd mir jederziit uf dUnterstützig zelle und Produkt für de Uftritt und dWerbig gmeinsam gstalte. Au DWerbetafle bim Igang, zeigt dUnterstützig vom Gönnerverein für dProjekt vom Walterzoo beschtens uf und parallel dezue chönd tüend mir au d'Partnergmeinde uffühere und di gschätzte Mitgliedschafte wo mit gschätzte finanzielle Biiträg verbunde sind, bekannt mache.

Ich bedanke mich bi de Walterzoo AG, vorab bim Reto Mock und de Karin Federer, aber au em Verwaltigsrot und de Gschäftsleitig und bim ganze **Team** vo **Marketing und Verkauf** und allen Zoomitarbeitende für die sehr gueti Zämearbeit. Aschlüsse möchte ich au en grosse und herzliche Dank as **Team vo de Administration** und natürlich a die ganz **Gschäftsleitig** und an **Verwaltigsrot** vo de Walterzoo AG. Es isch meh als erfreulich, wenn me sich gegesiitig so chan unterstütze und innere grosse Zoofamilie zäme wirke.

Min Dank goht aber au a mini **Vorstandskolleginne** und **Kollege**. Denn diä hend mich im vergangene Johr tatkräftig unterstützt. E gueti Zämearbeit dörfed mir au mit de Revisore pfläge, dadeführ au ihne es härzlichs Dankeschön. Abschlüsse möchte ich min Johresbricht mit em Dank an Sii, gschätzti Mitglieder, Gönnerinne und Gönner. Durch dBiiträg vo Gmeinde, Institutione, Gönnerinne und Gönner und Mitglieder aber au die freiwillige Zuestüpf, Vermächtnis und Legate sind mir in de Laag dEntwicklig vom Walterzoo nachhaltig und aktiv mitzträge. Es herzlichs Dankeschön gilt also bsonders ihne allne. Es isch e wahri Freud und e grossi Gnuegtuig, als Präsident vom Gönnerverein Walterzoo tätig zsii. Herzliche Dank für Ihri Ufmerksamkeit.

Gossau, 10.06.2025

Aurelio Zaccari, Präsident